

تورک یوردی

تورک اویماقلى مرکز لهیئتی طرفندره نشر اولونور

جلد ۴

کانون اول ۱۹۲۶

نومرو ۲۴

ملی تربیه و هدف‌فلری؛ مؤلفی: وفا اورتا مکتبی مدیری مصطفی رشید — ۲۸ صحیفه —
استانبول ۱۹۲۷ .

تمامیله ملی و ملیت‌پرور بر دولت اولان تورکیه جمهوریتک قورولاشندن صوکر
مرربی و متفکرلر مرکز « ملی تربیه » مسئله‌سیله مشغول اولملری یک طبیعیدی. ابتدا
معلملر برلککنک ۱۹۲۶ عمومی قونغرہ‌سندہ اوقونمق اوزره مدرس علی حیدر یک
« ملی تربیه » عنوانی بر اثر نشر ایدہ رک نقطه نظرلرینی بیلدیردی . ایشته رشید
بکک بو کوچوک فقط قیمتلی رساله‌سی ده بو مسئله حقندہ یکی نقطه نظرلر اورتہ
سورویور . ملی تربیه مسئله‌سنک مربیلر من آراسندہ بویله اهمیتله تدقیق اولونمہ‌سی
فوق‌العاده ممنونیتی موجب بر حادئہ در . چونکہ تورکیه جمهوریتی ایچون ، ملی تربیه
و هدف‌فلری مسئله‌سنک بر آن اول حل و تثبیتی ، عادتاً حیاتی بر مہیتی حائزدر . بو بویوک
احتیاجی نظر اعتبارہ آلان حکومت خاضرہ من ، معارف و کالتندہ بر ملی تعلیم و تربیه
ہیئت ، تشکیل ایتمکله ، بو خصوصہ نہ قدر اهمیت عطف ایتدیکنی کوسترمشدر .
رشید بکک اولاً مختلف دورلرک تربیه تلقیسی حقندہ ایضاحات ویردکن صوکر ،
ایکینچی بچشدہ « تربیه و ملی تربیه » نی ایضاح و « ملی تربیه من ناصل اولمالیدر ،
سؤالنی وضع ایله بو خصوصہ کی فکرلرینی سویلہ یور . بورادہ اسکی عثمانیلر دہ کی
تربیه و تعلیم اصوللری و مؤسسہ‌لری حقندہ تاریخی بعض معلومات دہ واردر . مؤلف
اسکی تربیه دہ کی « دینی تحکم » قارش بر عکس العمل اولمق اوزره بو کونکی
ملی تربیه هدف‌فلرینی سویلہ خلاصہ ایدیور .

- ۱ - ملی تربیه دنیوی اولمالیدر ؛ ۲ - ملی تربیه ناتورالیست اولمالیدر ؛
- ۳ - ملی تربیه مجادلہ جی اولمالیدر ، ۴ - ملی تربیه قادینی ارکک کی حیاتہ یتیشدیر مہلیدر ؛
- ۵ - ملی تربیه محاکمہ جی و تدقیق جی اولمالیدر ؛ ۶ - ملی تربیه ملی دیک و سعت
والاستیقیت افادہ قازانمہ‌سنی استہداف ایتہلیدر .

رشید بکک بونی متعاقب اسکی مستبد دولت تشکیلاتنک اسکی تربیه اوزرنده کی
ضررلرینی ایضاحدن صوکر ، بو کونکی دولت تشکیلاتنک مہیتہ کورہ ملی تربیه نک
شو هدف‌فلری تعقیب ایتہ‌سی لزومنی ایلری سورویور : ۱ - ملی تربیه تشبہ جی اولمالیدر .